

Daihseiq Gaiq Cunghgoz Dujswh Cidu Caeuq Dujswh Vwnz-va Gozci Yozsuz Yenzdaujvei Youq Yinhcwngz Yen Hai

第四届中国土司制度与土司文化国际学术研讨会在忻城召开

8 nyied 19 hauh daengz 22 hauh, Daihseiq Gaiq Cunghgoz Dujswh Cidu Caeuq Dujswh Vwnzva Gozci Yozsuz Yenzdaujvei youq Yinhcwngz Yen hai, gyoengq boux lauxhangz yozcej Dunghnanzya nem Gangj Au Daiz ciengzgeiz yenzgiu Cunghgoz Dujswh vwndiz haenx, nem guek raeuz gak yozsuz gihgou、gauhdwnj yenyau gyausou daengj 200 lai vunz camgya baez yenzdaujvei hozdung neix.

Yinhcwngz Moz Dujswh Yazsuj ndaej vunz lai heuhguh “gugungh Mbanjcuengh”, youq ndaw yienh Yinhcwngz, dwg daengx guek nem Yacouh aen dujswh gencuzginz gveihmoz ceiq hung、baujcunz ndaej ceiq caezcienz ndeu, hix dwg baihsaenamz saujsu minzcuz dujswh denjangh cidu ndawde aen guj dai gencuz baujcunz ndaej ceiq caezcienz ndeu. Yinhcwngz Moz Dujswh Yazsuj

dwg Yenzgiu vwnzva、minzsuz、cunghgyau、vwnzyoz yisuz Boux-cuengh、Cuengh Gun gencuz vwnzva miz haemq sang lizsij vwnzva yisuz nem gohyoz gyaciz. 1996 nienz, ndaej Gozvuyen baecinj liedhaeuj daengx guek cungdenj vwnzvuz danhvei, 2009 nienz 12 nyied, ndaej swcigih lijyouzgiz baejinj dwg guekgya 3A gaep ginggih.

(Loz Yengiz/罗献吉)



▲ Hoihyenzdauj yienhciegz.



▲ Vwnzyi byaujyenj. Liuz Sanhcej caeuq Moz lauzyez ciengj caen doiq fwen.



▲ Moz Dujswh Yazsuj.

Lingzyinz: Haenqrengz Cauxlaeb “Aen Yienh Mizmingz Daegsaek Lijyouz Guengjsae”

凌云：全力创建“广西特色旅游名县”

Daj bineix daeuj, Lingzyinz Yen cunghaen fazveih gij swnghdai youhsi caeuq lijyouz swhyenz youhsi, daj cauxlaeb “aen yienh mizmingz daegsaek lijyouz Guengjsae” gaem hwnj, hopngomx dajcaux “aen dieg gozci byaraemx swnghdai gyaeananz ciengxdang lijyouz” caeuq aeu gensez “aen du’gyajgih gozci byaraemx ciengxdang Lingzyinz” guh muzbyauh, guh ndei gveihva, cingjhab swhyenz, lai roengz ngaenz gyavaiq lijyouz hanghmoeg gensez caeuq gajcoih dieg ginggih, roengzrengz dawz lijyouz canjyez guh hung guh hoengh. Gaengawq gyoepsuenq, bineix buenq bi gonq, daengx yienh ciepdaih bouxyouz 47.32 fanh vunzbaez, lijyouz gyoebhab souhaeuj 1.57 ik maenz, doengzbeij demlai 22.4%.

(Lingzyinz)

► Bocaz Lingzyinz hix dwg dieg funghgingj gyaundeideu.



▲ Yienh Lingzyinz gyaundeidei lumi fukveh.



Liujcouh Guh “Mwh Gangcan Liujcouh” Dozbenq Canjlanj

柳州举办“抗战中的柳州”图片展



Vihliux geiqniemh Cungguk yinzminz Gang Yiz Cancwngh nem Seiqgyaiq Fanj Fazihswh Cancwngh ndaejhingz 69 bi, 9 nyied 3 hauh, Liujcouh Si youq si yinzminz gvangjangz guh “Mwh Gangcan Liujcouh” dozbenq canjlanj. Ngoenzde canjlanj hozdung yinx haulai siminz caeuq hagseng daeuj ngonzyawj. Ndw doz dwg gyoengq-vunz nyinhcaen yawj canjlanj.

(Lij Binh)

Cauhbingz: Gyaiez Guek Gyauyuz Haeuj Godangz

昭平：爱国教育进课堂

9 nyied 3 hauh, dwg ngoenz geiqniemh Cungguk yinzminz Gang Yiz Cancwngh ndaejhingz haenx. Youq ngoenz 2 hauh, Cauhbingz Yen couh cujiz gyoengqboux laux yinghyungz hoenx Yizbwnj haenx bae daengz cungh siujyoz hagdangz hawj hagseng gangj gojgaeq hoenx Yizbwnj, maqmuengh gyoengq hagseng geiqmaenh lizsij, mbouj ndaej lumz gij saeh guenkgya gaxgonq deng Yizbwnj hangz haenx, gikfat hagseng ndatcingz gyaiez guek, hag ndei gohyoz cihisiz, vih saedyienh “siengjmuengh Cungguk” ok rengz swheij.

(Liuz Feih/刘飞)



▲ Boux daxgoeng gangcan laux yinghyungz youq gwnzdangz gangj gojgaeq hoenx Yizbwnj.

◀ Gyoengq hagseng heuh doxgoeng caiq gangj geij aen gojgaeq hoenx Yizbwnj hawj daihgaya dingq.